



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 254

DATUM: 08.02.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

Sporni Zakon o kantonalnim taksama u Kantonu Sarajevo se vraća na početak 1

Općina Donji Vakuf obustavila finansiranje političkih stranaka 3

U sklopu projekta ReLoAd u Konjicu i Brezi održane obuke za vijećnike 2

HNK Čapljina gradi stadion sa umjetnom travom 2

Poziv općinama i gradovima da kandidiraju predstavnika u Radnu grupu za Evropske integracije 3

Na proljeće se na području općine Stari Grad otvara moderni park "Gradska šuma" 3

Prijevremeni izbori za načelnike 17. 4

Najava održavanja osnivačkog sastanka Mreže za javne finansije/financije Saveza općina i gradova FBiH 4

Najava Uvodnog promotivnog događaja "Efikasna organizacija efektivno upravljanje vodnim uslugama kroz planiranje kapitalnih infrastrukturnih investicija" 4

Najava obilježavanja dana općina za mjesec februar/veljača 5

Bilten Saveza općina i gradova Federacije Bosne i Hercegovine

SPORNI ZAKON O KOMUNALNIM TAKSAMA U KANTONU SARAJEVO SE VRAĆA NA POČETAK

U prostorijama Kantona Sarajevo održan je 06. februara/veljače 2019. godine sastanak na kojem su prisustvovali g-đa Vesna Travljanin, direktorica Saveza općina i gradova FBiH i predstavnici općina u Kantonu Sarajevo sa g-dinom Elmedinom Konakovićem, predsjedavajućim Skupštine Kantona Sarajevo i g-dinom Amelom Kovačevićem, ministrom finansija KS. Povod za sastanak bio je zahtjev Saveza općina i gradova FBiH da se obustavi primjena Zakona o izmjenama i dopuni Zakona o komunalnim taksama u Kantonu Sarajevo, te da se urgentno u program rada Skupštine uvrsti novi Nacrt Zakona o komunalnim taksama, koji bi bio usklađen sa prijedlozima općina u Kantonu Sarajevo.

U prethodnom sazivu Skupština Kantona Sarajevo je, bez konsultacije sa Savezom i općinama smanjila visine tarifa općinskih komunalnih taksi na pojedine djelatnosti, što je prouzrokovalo negativne finansijske efekte na budžete općina. Na pomenutom sastanku je postignut cilj, jer se predsjedavajući Konaković složio da je Zakon donesen bez poštivanja adekvatnih procedura, te je pozvao da se podnese zahtjev da se uvrsti novi Nacrt Zakona o komunalnim taksama u Kantonu Sarajevo u program rada Skupštine za 2019. godinu. Kako je istakao, Zakon će proći sve potrebne procedure, te da će Savez biti uključen u njegovu izradu.

Na sastanku je istaknuto da su indikativno smanjene visine tarifa komunalnih taksi za djelatnosti koje izazivaju društveno negativne efekte i da ove takse nisu parafiskalni namet.

Predsjedavajući Konaković je istakao spremnost na saradnju sa Savezom općina i gradova FBiH u donošenju Zakona o lokalnoj samoupravi, kao i drugim relevantnim propisima, koji su od značaja za jedinice lokalne samouprave.

Predsjedavajući Konaković je istakao spremnost na saradnju sa Savezom općina i gradova FBiH u donošenju Zakona o lokalnoj samoupravi, kao i drugim relevantnim propisima, koji su od značaja za jedinice lokalne samouprave.



Sa sastanka u Kantonu Sarajevo



Sa sastanka u Kantonu Sarajevo

OPĆINA DONJI VAKUF OBUSTAVILA FINANSIRANJE POLITIČKIH STRANAKA

Na sjednici Općinskog vijeća u Općini Donji Vakuf donesena je odluka o obustavi finansiranja političkih stranaka iz budžeta. Još važnije, novac ide za stipendiranje studenata.

Tačka broj 5 - Odluka o finansiranju političkih stranaka je izazvala posebnu pažnju s obzirom na to da su kroz diskusiju svi vijećnici i načelnik Huso Sušić došli do navedenog zaključka, prenosi Bugojno danas. Sredstva u iznosu od 25.000 KM bit će usmjerena za stipendiranje studenata.

Donji Vakuf zasigurno jedna od malobrojnih općina koje su ovo uradile u BiH i koje mogu biti primjer ostalima, naročito u vremenu kada se svakodnevno govori o problemu odlaska mladih.



Donji Vakuf



U SKLOPU PROJEKTA „RELOAD“ U OPĆINAMA KONJIC I BREZA ODRŽANE OBUKE ZA VIJEĆNIKE

Savez općina i gradova Bosne i Hercegovine organizovao je dodatna dva treninga za općinske vijećnike na temu „Transparentnost finansiranja organizacija civilnog društva iz budžeta jedinica lokalne samouprave“. Prvi trening održan je 28. januara/siječnja 2019. godine u Općini Konjic, dok je drugi održan dva dana kasnije u Općini Breza. Trening je vodio dr.sci Muamer Hodžić, edukator Saveza općina i gradova Federacije BiH. Pored upoznavanja sa ulogom organizacija civilnog društva i njihovom konkretnom doprinosu lokalnom razvoju cilj treninga je bio prepoznavanje prednosti transparentnog finansiranja organizacija civilnog društva iz općinskog budžeta i uloga općinskih vijećnika u planiranju i dodjeli sredstava organizacijama civilnog društva.

Učesnici treninga su zajednički konstatovali kako postoje brojne prednosti konkurentskog pristupa doodjele sredstava organizacijama civilnog društva iz općinskih budžeta u skladu sa LOD metodologijom. Modul obuke je pripremljen u okviru Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU), a sprovodi Razvojni program Ujedinjenih naroda (UNDP).



Sa obuke u Brezi



Sa obuke u Konjicu



HNK ČAPLJINA GRADI STADION SA UMJETNOM TRAVOM VRIJEDAN POLA MILIONA KM



Hrvatski nogometni klub "Čapljina" dobio je u sklopu projekta "Razvoj infrastrukture omladinskog nogometa kroz širu društvenu zajednicu" novčanu pomoć za izgradnju stadiona sa umjetnom travom. Stadion će se graditi u Tasovčićima, na mjestu gdje trenutno postoji stadion koji je pripadao nekadašnjem FK "Uskok", a koji HNK "Čapljina" trenutno koristi kao stadion za treninge.

Naime, Općina Čapljina izabrana je među 15 lokalnih zajednica koje su dobile potporu bosanskohercegovačke krovne nogometne organizacije u izgradnji terena s umjetnom travom za potrebe razvoja omladinskog nogometa u BiH. Kako su nam kazali iz kluba, oko 260.000 KM stiže od strane Nogometnog saveza BiH, a ostatak novca za projekt, oko 200.000 KM bit će uloženo kroz radove.

"Radovi na terenu bi trebali krenuti u ožujku, a očekujemo da ćemo ga moći koristiti već u sljedećoj sezoni. Dugo smo čekali ovaj projekt i on je za našu budućnost od velikog značaja", rekao je sportski direktor HNK "Čapljina" Damir Obad. Realizacija projekta krenut će nakon što stadion posjeti još jedno povjerenstvo, koje će odabrati izvođače radova.

Čapljinci su prvi dio sezone završili sa 21 bodom, što ih stavlja na poziciju od 7. do 9. mjesta ljestvice, i ostavlja im pogodan prostor za ostanak u Prvoj ligi FBiH.

Općina Čapljina izabrana je među 15 lokalnih zajednica koje su dobile potporu bosanskohercegovačke krovne nogometne organizacije u izgradnji terena s umjetnom travom za potrebe razvoja omladinskog nogometa u BiH



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.eurainfocenter.ba
www.balkanfund.org
www.eurelmed.com
www.eacea.ec.europa.eu



Grb Općine Stari Grad
Sarajevo

POZIV OPĆINAMA I GRADOVIMA ZA KANDIDIRANJE PREDSTAVNIKA U RADNU GRUPU ZA EVROPSKE INTEGRACIJE

Savez općina i gradova Federacije Bosne i Hercegovine poziva općine i gradove da delegiraju svoje predstavnike u Radnu grupu za Evropske integracije.

Radnu grupu će činiti 7 članova koji će svojim znanjem i vještinama u narednom periodu provoditi aktivnosti na pripremi lokalnih zajednica za procese evropskih integracija u Federaciji Bosne i Hercegovine.

Odabir kandidata će se vršiti na osnovu sljedećih kriterija: da je kandidat uposlenik grada/općine sa više od 2 godine radnog iskustva; VSS (fakultet društvenog smjera); posjedovanje znanja o procesima evropskih integracija i međunarodnim projektima; iskustvo u širenju znanja (prednost imaju kandidati sa iskustvom u održavanju obuka i treninga); poznavanje rada na računaru. Prednost imaju kandidati sa poznavanjem engleskog jezika.

Zainteresovani kandidati trebaju dostaviti sljedeće dokumente: 1. Pismo interesa; 2. CV sa kontakt podacima (broj mobitela, mail adresa i adresa prebivališta); 3. Potvrda/odobrenje od načelnika/gradonačelnika za učešće u radu Radne grupe za Evropske integracije.

Od kandidata se očekuje aktivno učešće na 4 sastanka Radne grupe u toku godine. Prijave sa dokumentima dostavljaju se putem pošte na adresu Saveza općina i gradova Federacije BiH - Musala br. 5/1, 71000 Sarajevo, sa naznakom "Prijava za Radnu grupu za Evropske integracije" ili putem elektronske pošte savez@sogfbih.ba najkasnije do ponedjeljka 15.02.2019. godine.

NA PROLJEĆE SE NA PODRUČJU OPĆINE STARI GRAD OTVARA MODERNI PARK „GRADSKA ŠUMA“



Ibrahim Hadžibajrić, načelnik Općine
Stari Grad Sarajevo

Park "Gradska šuma" koji se prostire na površini većoj od šest hektara sa uređenim stazama za šetnju, amfiteatom, dječijim igralištem, spravama za vježbanje, šadrvanima, hladnjacima, restoranom i drugim sadržajima, otvara se ovog proljeća u općini Stari Grad.

Udaljen svega 20-ak minuta vožnje od grada, na putu prema izletištu Barice, park "Gradska šuma", na Grdonju, ponudit će građanima brojne sadržaje i aktivnosti u prirodi, a ulaz se neće naplaćivati. Projekat realizuju Generalna direkcija za šumarstvo Republike Turske i KJP "Sarajevo-šume" uz punu podršku Općine Stari Grad koja je ranije izdala potrebne urbanističke i građevinske saglasnosti, te finansirala kupovinu spremnika za vodu postavljenih na ovoj lokaciji i postavljanje javne rasvjete, a podršku je dalo i Ministarstvo privrede KS.

Općinski načelnik Ibrahim Hadžibajrić održao je sastanak sa predstavnikom Generalne direkcije za šumarstvo Republike Turske Huseinom Hilesizom i direktorom KJP "Sarajevo-šume" Nerminom Demirovićem kako bi se na vrijeme završile posljednje pripreme pred otvaranje parka. "Naše službe će prema ubrzanoj proceduri završiti preostale administrativne poslove, a sami radovi u parku već su završeni. Dogovorili smo se da svečano otvaranje parka 'Gradske šume' bude 30. aprila kako bi građani mogli da ga koriste već od 01. maja kada će mnogi poželjeti da odu u prirodu. Ovaj park im zaista nudi sve", kazao je načelnik Hadžibajrić.

Ideja o gradnji ovog parka postoji već nekoliko godina, kada su iz Republike Turske izrazili želju da prvi put van granica svoje zemlje sagrađe ovakav park. Gradske šume uključuju prirodne šumske površine u blizini naselja i gradova, a cilj im je povećanje kvaliteta života zajednice kroz ispunjavanje potrebe za rekreacijom, ekološkim i socijalnim aktivnostima. Neki od primjera gradskih šuma koje su dosad izgrađene u Turskoj su Florya Atatürk šuma u Istanbulu, Meram u Konyi, Degirmenbogazi u Balikesiru i druge.

Infrastrukturu gradske šume, kao što su voda, struja i kanalizacija, gradilo je KJP "Sarajevo-šume". Nakon intenzivnog višegodišnjeg rada, Gradska šuma će u aprilu otvoriti vrata za posjetice, a ponudit će restoran, pet javnih česmi, vidikovac, amfiteatar, suvenimicu, bife, drveni most, jezerce, klupe, šadrvane, 25 kućica za piknik, dječije igralište, fitness prostor, staze za šetnju, konferencijsku salu i brojne druge sadržaje.



PRIJEVREMENI IZBORI ZA DEVET GRADONAČELNIKA/NAČELNIKA OPĆINA/GRADOVA U BIH



Prijevremeni izbori za gradonačelnike/načelnike devet općina/gradova održat će se 17. februara/veljače 2019. godine. Centralna izborna komisija (CIK) je već ranije donijela Odluku o raspisivanju i održavanju prijevremenih izbora za gradonačelnika Grada Doboj, gradonačelnika Grada Trebinje, načelnika Općine Bosanski Petrovac, načelnika Općine Bosansko Grahovo, načelnika Općine Bužim, načelnika Općine Domaljevac-Šamac, načelnika

Općine Drvar, načelnika Općine Kakanj i načelnika Općine Ribnik.

NAJAVA ODRŽAVANJA OSNIVAČKOG SASTANKA MREŽE ZA JAVNE FINANSIJE/ FINANSIJE SAVEZA OPĆINA I GRADOVA FBiH

Osnivački sastanak Mreže za javne financije Saveza općina i gradova FBiH održat će se u dvorani Princess, Hotel Mepas, Kneza Višeslava bb, Mostar, u utorak 12.2.2019. godine s početkom u 12 sati. **Mreža za javne financije Saveza općina i gradova FBiH** predstavljat će konzultacijsko i savjetodavno tijelo u okviru Saveza općina i gradova FBiH i zajedničku platformu pomoćnika načelnika/gradonačelnika za financije, pri čemu će glavna svrha Mreže biti jačanje aktivnosti i inicijativa u segmentu javnih financija općina i gradova u Federaciji BiH i jačanje suradnje i koordinacije pomoćnika načelnika/ gradonačelnika za financije. „Mreža“ će u svom radu definirati zajedničke politike, akcije, stavove i inicijative u oblasti financija općina i gradova, s ciljem kreiranja konstruktivnih prijedloga i inicijativa za jačanje financijske pozicije JLS u FBiH, unaprjeđenje, prilagodbu i izmjenu zakonodavnog okvira, koji se tiče financija jedinica lokalne samouprave, sukladno financijskim potrebama i prijedlozima JLS, posebice u oblasti raspodjele javnih prihoda. Predviđeno je da „Mrežu“ čine predstavnici 80 jedinica lokalne samouprave (JLS), odnosno 80 pomoćnika načelnika/ gradonačelnika za financije.



NAJAVA UVODNOG PROMOTIVNOG DOGAĐAJA „EFIKASNA ORGANIZACIJA I EFEKTIVNO UPRAVLJANJE VODNIM USLUGAMA KROZ PLANIRANJE KAPITALNIH INFRASTRUKTURNIH INVESTICIJA“

Savez općina i gradova Federacije Bosne i Hercegovine u sklopu Projekta „Regionalna mreža za razvoj kapaciteta za usluge vodosnabdijevanja i otpadnih voda na Zapadnom Balkanu“ (RCDN) organizuje u srijedu, 13. februara/veljače 2019. godine (Hotel „Forest Resort & Spa Sarajevo“) u Tarčinu sa početkom u 11 sati Uvodni promotivni događaj na temu „Efikasna organizacija i efikasno upravljanje vodnim uslugama kroz planiranje kapitalnih infrastrukturnih investicija“.

Na ovom događaju učešće će uzeti predstavnici Saveza općina i gradova FBiH, Ministarstva vanjske trgovine i ekonomskih odnosa Bosne i Hercegovine, Federalnog ministarstva poljoprivrede, vodoprivrede i šumarstva, članovi nadležne Komisije Saveza općina i gradova FBiH zadužene za pitanje komunalne infrastrukture (vodosnabdijevanja i otpadnih voda), predstavnici Udruženja / Udruge poslodavaca komunalne privrede u Federaciji BiH, Udruženja za oblasti voda i zaštite okoliša „Aquasan mreža u BiH“, predstavnici općina i gradova iz FBiH, kao i međunarodnih organizacija u BiH.

Projekat zajednički finansiraju Švicarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ Projekat „Otvoreni regionalni fond za jugoistočnu Evropu - modernizacija općinskih usluga“ (ORF MMS). Tim za implementaciju Projekta sastoji se od tri regionalne mreže i to: Međunarodno udruženje poduzeća za vodosnabdijevanje u slivu rijeke Dunav (IAWD), Udruženje za oblasti voda i zaštite okoliša „Aquasan mreža u BiH“ i Mreža asocijacije lokalnih vlasti u Jugoistočnoj Evropi (NALAS).





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.
- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.
- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.
- **22. februar/veljača - Dan Općine Jablanica** i dan sjećanja na oslobođenje grada u Drugom svjetskom ratu
- **22. februar/veljača - Dan Općine Jajce.** Datum je ovo prvog pisanog pominjanja grada Jajca 1396. godine u Povelji iz dubrovačkog arhiva
- **23. februar/veljača - Dan Općine Velika Kladuša.** Ovaj datum je značajan kao sjećanje na prvo oslobođanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.
- **26. februar/veljača - Dan Grada Bihaća.** Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatiije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.
- **29. februar/veljača - Dan Općine Ilijaš.** Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.

